

3 Yohana Yohana ya sεmε taanri wo wemu ka ge

Jɔɔ mu we sεmε we d'a tun wε?

N'a daa fɔɔ wa mu Yohana ya we sεmε taanri wo we tun. Wee mεge ki bye Gayusi.

We sεmε we kakana ɲuɲɔ

Yohana ya li she Gayusi na na wee ya Kile Kafila wu yeε pyeεε piimu torogo wu mu ge, na w'a pu coni xuuni. Na wu ganha bu daha Jotεrfu wo ɲaha sheshεεε te feni wε. Wee Jotεrfu we bye egilizi ɲahagbaa fɔɔ, ga Yohana bi Kile Jozaama pu joveε piimu torogo wu mu ge, wu bi gbara w'a pee tirige wε.

A w'i wu fiin jo na waha sεmε wu ni na kan Demecusi mu. Wee p'a wii na wee w'a pa ni sεmε wu ni.

Sεmε wu kafila ɲugbɔɔ

3 Yohana 1-4 Yohana fɔ mujuu.

3 Yohana 5-8 Gayusi wo ɲaarigazaana le.

3 Yohana 9-12 Na Gayusi ganha bu daha Jotεrfu wo torogana li feni wε.

3 Yohana 13-15 Jomɔ pu taxɔɔ.

Yohana fɔ mujuu

¹ Nε wemu wu ɲε egilizi nɔhɔle ge, nε wa we sεmε we ka na tun na taanɲii Gayusi mu, wee wemu kaa l'a dan nε ni can ye pyaa na ge.

² Na taanɲii, nɛ Kile ɲɛɛri mu mu, kɔnhɔ ma keree di da ɲaha taa tuun bɛɛri ni, m'a bye sicuumɔ na, ba Kile ya ma zɔ wu pye fɛɛfɛɛ wɛ. ³ Cebooloo n'a daa fɛɛ pii ya nɔ wɛɛ yiri naha. Ba can wu wa mu zɔ wu na wɛ, ni ba mu ya ɲaari na sahanɲi ni can wu ni wɛ, p'a yee paari wɛɛ mu. Yee ya taan nɛ ni xuuni. ⁴ Bani nɛ bu logo na nɛ nagoo p'a can wu koro ɲaari, yafiin ya dan nɛ ni na lee xɔ wɛ.

Gayusi wo ɲaarigazaana le

⁵ Na taanɲii, lemu bɛɛri m'a byi wù cebooloo n'a daa fɛɛ pu mu, ali na ta p'i ɲɛ bɛ nabuun ge, lee bɛɛri ya ɲɔ xuuni. M'a li pyi ni ɲɔmɛɛ fɛɛɛ ni Kile mu. ⁶ M'a pu co ni taanɲɛɛge kemu ni ge, p'a pa kee kaa jo n'a daa fɛɛ pu mu naha. Ayiwa, ɲɔ mayɛ na, ɲara lemu p'a giin di bye sanha ge, m'a pu tɛge na bɛ ni Kile ɲidaan ni. ⁷ Bani Yesu Kirisa wo labye wu wuu na p'a lee ɲara li pyi. Wa bɛɛri wu ɲɛ wu ya dà Yesu Kirisa na-ɛ ge, pu wa wee wa shishiin bɛ keɲɛ yaaga fɛni wɛ. ⁸ Lee wuu na wɛɛ n'a daa fɛɛ ya yaa na pii sipyii pii shi tɛri. Wù ba lee pyi, l'a bye ma na giin wɛɛ bɛ p'a fara pu na pu labye wu funɲɔ ni, na can koo li shɛɛ sipyii pu na.

Jotɛɛfu mɛge ya kyɛɛgi

⁹ Ayiwa, nɛ ɲɔɲii kii ka sɛmɛ wɛnɛ la na na tun n'a daa fɛɛ pu mu wà. Ga we wu ɲɛ Jotɛɛfu ge, wu ya se wɛɛ kabeshɛɛ na wɛ, na giin wu wuyɛ pye n'a daa fɛɛ pu ɲahagbaa fɔɔ wa. ¹⁰ Lee wuu na nɛ ba nɔ wà, kaparaya yemu bɛɛri w'a byi ge, na joguuumɔ pemu bɛɛri yu na waa wɛɛ na, na kafinɛyɛ yemu bɛɛri tɛri wɛɛ na ge, n'a da yee bɛɛri jo yi ɲii na. Wu yɛɛ ya ta da kii yɛ na-ɛ dɛ, wu ya ta sɔɔ cebooloo n'a daa

fεε p'a diri wu mu wε. N'a daa fɔɔ wa bε bu jo wu pee tirige wuyε y'iri, w'a jo tapyege wa lee bε na wε, na weefɔɔ kɔri yeege n'a daa fεε pu pinnεge ki ni.

¹¹ Ayiwa, na taanɲii Gayusi, ma ganha bu da bye ye kakuuyo ye tuugo taannivɔɔ wε dε, ga ta kasaanaa taanni. Sipyā wemu w'a saama pyi ge, wee wu ɲε Kilε wo. Ga wemu bu gori yaha kakuuyo na na byi, lee ya li shεε na weefɔɔ ya Kilε cε wε.

Demecusi ya masɔɲɔ ta

¹² Ayiwa Demecusi kunni, n'a daa fεε pu bεeri ya wee mεsaanja yu. Can koo lemu bε w'a ɲaari ge, lee bε di wu mεsaanja yu. Wee bε wa li fiin na can wu ɲε wii.

Jomɔ pu taxɔgɔ

¹³ Ayiwa, jomɔ niɲehεmε wa nε mu na yu ma mu, ga na funɲɔ wa di pee bεeri ka sεmε we ni wε. ¹⁴ Nε giin jo l'a da mɔ wèe di wùye ɲa, wù jo wùye ɲii na wε. ¹⁵ Kilε wu ɲaɲiɲε kan ma mu! Ma ɲaɲiinεε piimu pu wa naha ge, pee ya ma fò waa. Ma bε wu wù fò kan wù ɲaɲiinεε pu bεeri nigin nigin mu wà.

KARINĒĒGE NŌMĒE NIVONŌ
New Testament and Shorter Old Testament in
Senoufo, Mamara

copyright © 2014 Wycliffe Bible Translators, Inc.

Language: Mamara S noufo (S noufo, Mamara)

Translation by: Wycliffe Bible Translators

Contributor: Wycliffe Bible Translators, Inc.

  2014-08-10, Wycliffe Bible Translators, Inc. All rights reserved.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2015-03-17

PDF generated using Haiola and XeLaTeX on 11 Nov 2022 from source files dated 29 Jan 2022

85728ed7-78f8-58e8-8967-0e976c0c2423